



## KENYATAAN MEDIA

UKK/600-01/05 (73)

### PERTANDINGAN FOTOGRAFI LEMBAH LENGGONG ANJURAN BALAI SENI NEGARA

Balai Seni Negara sentiasa komited dalam memperkasa seni melalui pelbagai medium. Sebagai sokongan terhadap jurufoto dan juga peminat seni fotografi di seluruh negara, Balai Seni Negara menganjurkan “**Pertandingan Fotografi Lembah Lenggong**” bermula **1 Julai 2024 hingga 11 Julai 2024**. Pertandingan ini diadakan sempena Tahun Melawat Perak 2024 dan juga selaras dengan penganjuran “Program Kem Senifoto Lenggong Indah” bertempat di Lenggong, Perak. Pertandingan ini bertujuan bagi mencungkil bakat seni fotografi disamping turut menggalakkan kehadiran pelancong ke negeri Perak, khususnya bandar Lenggong.

**Majlis Penyampaian Hadiah Pertandingan Fotografi Lembah Lenggong** diadakan pada **14 Julai 2024** di **Beranda Sumpitan, Lenggong, Perak** dan dirasmikan oleh **YBhg. Dato’ Mohd Kamil bin Dato’ Shafie, Pengerusi Tourism Perak**. Turut hadir adalah YBrs. Encik Amerrudin Ahmad, Ketua Pengarah Balai Seni Negara dan YBrs. Puan Rafidah Abdullah, Pengarah Jabatan Warisan Negara, Zon Tengah. Pertandingan ini mendapat kerjasama daripada Tourism Perak dan Majlis Daerah Lenggong (MDL).

Menerusi pertandingan ini, Balai Seni Negara telah menerima hampir 100 penyertaan dan sebanyak 50 daripadanya telah disaring untuk penjurian akhir. Para juri terdiri daripada kurator Balai Seni Negara, artis dan jurufoto profesional. **Pemenang Tempat Pertama** membawa pulang wang tunai berjumlah **RM 3,000.00**; **Tempat Kedua** **RM 2,000.00**; dan **Tempat Ketiga** menerima hadiah berjumlah **RM 1,000.00**. Selain itu, terdapat **tujuh (7)** hadiah **Saguhati**, di mana penerima membawa pulang wang tunai berjumlah **RM 500.00** setiap seorang. Berikut adalah **senarai pemenang** bagi “**Pertandingan Fotografi Lembah Lenggong**”:

- **Tempat Pertama** : **Azril Azam bin Abdul Rahim**
- **Tempat Kedua** : **Muhammad Azwan bin Azmi**
- **Tempat Ketiga** : **Chew Seng Cheong**
- **Saguhati** : **Hazizie bin San**  
**Mohammad Zakee bin Zailan**  
**Mohd Khalis Azizi bin Wan Ibrahim**  
**Marwan bin Murshid**  
**Fahmi bin Mohd Razari @ Ahmad Ghazali**  
**Khairul Azhar bin Ramli**  
**Mohd Farid bin Mohd Shah**

Balai Seni Negara amat teruja dengan sambutan yang diterima dan mengucapkan setinggi-tinggi tahniah kepada semua pemenang “**Pertandingan Fotografi Lembah Lenggong**” dan juga kepada semua yang telah menyertai pertandingan ini.

**UNIT KOMUNIKASI KORPORAT**  
**LEMBAGA PEMBANGUNAN SENI VISUAL NEGARA**  
**15 JULAI 2024**